

# SINLAI-1

## LAISIANGTHOU BULSUINA

**Thumapi:** Paul in Timothy kiang ah “*Nasemtu, zumna ding nei lou, thutak thu diktak a zang, Pathian pomtak hi ding a nangmah kipe ding in theihtawpsuah in kizil in*” achi hi (2 Tim. 2:15). “Thutak thu” tuh Pathian thu ahi (Johan 17:17). Diktak a zat in hotdamna ah a pi thei a, dikloutak a zat in thutak zuau a suaksak hi. Nasemtu zumna ding neilou i hih theihna di’n, thutak thu zahtaak tak leh diktak a khen in i zang ding uh.

### A. Laisiangthou KHENZAK LOUH IN BU 66 A PHA

I khenzak chiang in seh lian khatna tuh Thukhun Lui ahi. Bu 39 apha; hunpi nih a huam hi.

1. Genesis 1:1 apat Eksodas bung 19 sung ah mimal leh sungkuan zang in Pathian in thu a gen. Sungkuan a pa pente’n asungte tung ah siampu bang in nna a sem uh. Huaiziakin, Pate Hun (Patriarchal Age) a kichi. Hiai hun kum 2,500 vel sung in sahkho paipi khat leng Pathian in a pe kei. A mi atuam dungzui in hotdamna ding lampi tuam chiat a sehsak.

2. Eksodas bung 20 apan Malaki tan (ahun a sui in Nasepte bung 1 tan) Juda nam kia Pathian in a kithuahpih.

3. Pathian’ Kha pi in mi 32 in Thukhun Lui a gelh uh. Kum 1,100 vel a luut. Thukhun Lui gelh nanung penpen Jesu pian ma kum 400 vel a gelh khit ahi.

### B. Laisiangthou SEH LIAN NIHNA THUKHUN THAK AHI

1. Thukhun Thak bu 27 a pha. Tanchinhoih 4-te apat Nasepte bung 1 tan tuh Judate Hunpi apat Khristian Hunpi a kikhentuahna kaal ah a kia. Hiai Tanchinhoih 4-te ah Mosi Dan zat ahi a, himahleh Khristian Hun a zat ding ginna thute chiantak a puankhiak ahita. Ahihhangin Nasepte bung 2 a Pentikost ni matan hiai thute zuih dia phuut ahi nai kei.

2. Nasepte bung 2 apan Khristian Hunpi kipan taktak ahita.

3. Khasiangthou hatkhum in mi 8 vel in Thukhun Thak kum 40-60 sung vel a gelh uh.

### C. THUKHUN THAK SEH 4 IN A KHENZAK THEIH NAWN HI

1. THUKHUN THAK SEH KHATNA: Tanchinhoih 4-te.

Thukhun Thak bu masa Tanchinhoih 4-te Jesu tanchin gelhna ahi a, Jesu Pathian tapa ahi chih theihchianna dia gelh ahi. Huaiziakin mi’n Jesu Pathian tapa ahi chih a gintak ua, amin a hinna a neihna ding ua gelh ahi (Johan 20:31).

2. THUKHUN THAK SEH NIHNA: Nasepte

Hiai bu Apostolte nasep gelhna ahi a, bung 1-12 tuh Apostol Peter toh kisai deuh a gelh ahi. Nasepte bung 13-28 sung bel Paul toh kisai deuh in. Hiai bu ah Apostolte’n Tanchinhoih zang a mimangthangte hotdamna huanga a pilut dan uh, Saptuam a phuh dan

uh, Saptuam ki-etkol dan khenkhat leh buaina a om chianga a sukveng dan uh leh adangdangte a kigelh. Paul in, “Bangkim ka hih peuhmah na chiin ding ua ka hih ahi” (Nasepte 20:35) a chih bang in e’n leng amau hih dan i etton theih na ding a gelh ahi.

### 3. THUKHUN THAK SEH THUMNA: Laikhakte

Rome apan Juda tan laikhak ngen ahi ua; Apostolte’n Nasepte bu a Saptuam a phuhsate uh kianga khak a tamzaw ahi. Huaiziakin piangthaksa khristian hat leh hatloute kiang a amau buaina leh a poimoh bang zel ua khak ahi uhi. Khristian hisa, hotdam-tate kiang a khak ahi uh chih na theih pah ding ahi. Mihing in min a khum ziak a Saptuam member kichite kiang a khak ahi kei a, Laisiangthou dungzui a piangthak (hotdam a om), Pathian in a Saptuam a a behlape kiang kia a khak ahi uh. Saptuam diklou a na om in tuh, hiai laikhakte toh kibulh a haksa mahmah ding.

Hiai laikhakte thutuun tangpi hiai anuai a bang ahi:

- (a) Khristian leh khristian kikal bangchi ding;
- (b) Khristian leh soal kikal;
- (c) Khristian leh solkal kikal;
- (d) Khristian leh Pathian kikal;
- (e) Naungek khristian apat piching khristian hihtouh ding dan;
- (f) Khristian leh hilhtu diklou kikal.

Khristian hi nailoute’n Nasepte bu a piangthakte bang a khristian hong hih zoh chiang un laikhakte khantouhna di’n a hon sim pan ding hi.

### 4. THUKHUN THAK SEH LINA: Kilakna

- (a) Apostol Johan in Patmos tuikulh a a gelh ahi. Bung 1-3 tan Asia gam a Saptuam 7-te kiang a gelh ahi.
- (b) Bung 4-22 sung ahileh A.D. 96 vel a Saptuam thu genna ahi vek.
- (c) Apumpi in bung 1-22 tan, A.D. 96 vel a om Saptuam tunung-thu genna tangpi hi deuh dia sui ahi; atamzaw tung khin dia sui ahi.

# SINLAI-1

## LAISIANGTHOU BULSUINA

### Dotna leh Dawнна:

1. Timothy kiang a thutak thu zatdik a poimoh dan gelhtu kua ahia?

---

---

---

---

2. Thutak thu diktak a zatlouh in thutak bang a suaksak thei a?

---

---

---

---

3. Laisiangthou khenzak louh in bu bangzah a pha a?

---

---

---

---

4. Laisiangthou seh lian bangzah in a kikhen a?

---

---

---

---

5. Laisiangthou seh liante min gen in.

i) \_\_\_\_\_

ii) \_\_\_\_\_

6. Thukhun Lui huap Hunpi nihte gen in.

i) \_\_\_\_\_

ii) \_\_\_\_\_

7. Thukhun Lui gelhtu mi bangzah vel ahi ua?

---

---

---

---

8. Thukhun Lui bu bangzah a pha a?

---

---

---

---

9. Thukhun Lui kum bangzah sung vel gelh ahia?

---

---

---

---

10. Thukhun Thak bu bangzah a pha a?

---

---

---

---

11. Thukhun Thak mi bangzah vel gelh ahia?

---

---

---

---

12. Thukhun Lui leh Thukhun Thak kal ah kum bangzah a kia a?

---

---

---

---

**13.** Laisiangthou gelhtute'n kua pi a a gelh uh ahia?

---

---

---

---

**14.** Kum bangzah sung Thukhun Thak a kigelh a?

---

---

---

---

**15.** Thukhun Thak seh bangzah a kisuah a?

---

---

---

---

**DAWNGTU MIN:** \_\_\_\_\_

**KUMZAH:** \_\_\_\_\_